

Nukissamik pilersuineq pillugu Inatsisartut peqquussutaasa allanngortinneqarnera pillugu Inatsisartut inatsisaat (Ataasiakkaarluni kiassarnermut uuttuutit)

§ 1

Nukissamik pilersuineq pillugu Inatsisartut peqqussutaat nr. 14, 6. november 1997-imeersumi Inatsisartut peqqussutaanni nr. 9, 15. november 2007-imeersumi allanngortinneqartumi makkua allanngortinneqarput:

1. § 7, imm. 2, imatut oqaasertalerneqassaaq:

” Imm. 2. Pilersaaruserneq § 1-imi siunertat taaneqartut malillugit pisassaaq. Innaallagissamik kiammillu pisariaqartitsinerup matussuserneqarnissaanut periarfissat assigiinngitsut pilersaarusernermi erseqqissaatigineqassapput, tassunga ilanngullugit nukissamik atuineri sipaarnissamut periarfissat, innaallagissap kiaallu ataatsimut pilersinneqartarnerat, nukissamik ataavartumik atuineq, nukissiorfinnik atuilluarnerulersitsineq, kiassarnermut atuisut akiligassaannik ataasiakkaanut uttortaanissamut uuttuutini ikkussuineq, kiisalu ikummatissamik avatangiisinut ajoqusiinngitsunik atuineq.”

2. § 15-ip kingorna ilanngunneqassaaq:

” § 15 a. Namminersorlutik Oqartussat aamma kommunit inissiaataanni attartortittakkani inissiani kiisalu inissiani aktiaatileqatigiiffinnit Namminersorlutik Oqartussanit pigineqartunit pigineqartuni kiassarnermut atuineri akiligassanik ataasiakkaarlugit uttortaanissamut uuttuutini ikkussuisoqassasoq Naalakkersuisut aalajangersinnaavaat, tamatumani ikkussuineri aningaasartuutit sipaarutaasussanit atuisut ataasiakkaat sipaarutigisassaannik matussuserneqarsinnaannginnerannik, immikkut illuliornermut teknikkimut tunngasut malitseqassanngippata.

Imm. 2. Nukissiorfiit inissiani aaqqissuussineri pineqartunut ilaasussani kiassarnermut atuineri akiligassanik ataasiakkaarlugit uttortaanissamut uuttuutini ikkussuinissamut piffissamut killissaliussassanut pilersaarummik suliaqassaaq.

Imm. 3. Kiassarnermut atuineri akiligassanik ataasiakkaarlugit uttortaanissamut uuttuutini ikkussuineri aammalu tassunga atatillugu illuliornermut teknikkikkut allanngortiterinernik suliaqarnermut aningaasartuutit, inissiaatini attartortittakkani imm. 1-imi taaneqartuni inissianik piginnittut akisussaaffigaat.

Imm. 4. Nukissiorfiit uuttuutini misissuisarneq atuaasernerlu kiisalu akiligassiisarneq pillugit maleruagassanik erseqqinnerusunik aalajangersaasinnaapput.”

3. § 17, imm. 1-imi nr. 3-ip kingorna normutut nutaatut ilanngunneqassaaq:

"4) Kiassarnermut atuinnermut akiligassanik ataasiakkaarlugit uuttortaanissamut uuttuutit."

4. Inatsimmi tamarmi "Inatsisartut" allanngortinneqassaaq imatut: "Inatsisartut", "Naalakkersuisut" imatut: "Naalakkersuisut", aamma "Naalakkersuisut" imatut Naalakkersuisut".

§ 2

Inatsisartut inatsisaat ulloq 1. januaari 2018 atuutilerpoq.

Namminersorlutik Oqartussat, ulloq 23. november 2017

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut